



Inatsisartunut ilaasortamut Jens-Frederik Nielsenimut
E-mailikkut uunga nassiunneqartoq inatsisartut@inatsisartut.gl

Ilanngaassivik akiitsullu ineriartornerat pillugit § 37 naapertorlugu apequteqaammut akissut

31-08-2021
Suliap normua 2021-15443

Asasara Jens-Frederik Nielsen

Postboks 1037

3900 Nuuk

Tlf. (+299) 34 50 00

Fax (+299) 34 63 50

E-mail: oed@nаноq.gl

www.naalakkersuisut.gl

Inatsisartut Suleriaasianni § 37, imm. 1 naapertorlugu Ilanngaassivik akiitsullu ineriartornerat pillugit apeqqummik Naalakkersuisunut nassiussaqaqarputit. Apeqquut uannit akineqartussanngorlugu innersuunneqarpoq.

1. Ilanngaassivimmu ulloq manna tikillugu aningaasat qanoq annertutigisut ator-neqarpat?

Akissut:

Ilanngaassiviup ineriartortinneqarnerani immikkoortup siulliup naammassineqarnissaanut Akileraartarnermut Aqutsisoqarfimmi ineriartortitsilluni suliniuterpasuit allat inarneqarnissaat utaqqineqarpoq, tamatumani ilanngullugit aningaasaqarnermi periaatsimik nutaamik atuutsitsitsilernissaq, soraarnerussutisiaqalernissami aaqjissuussinermet peqataasussaataaneq, sulinermet ilanngaat, allakkanik digitalimik nassiussisarneq Digital Post, Covid-19-imut ikorsiissutit il.il., ukiuni kingullerni aqutsisoqarfimmi ineriartortitsinermet nukissanik tamarmik atuiffiusimasut. Taamaammatt ilanngaassiviup ineriartornera immikkoortumi siusissumiippoq.

Ilanngaassivimmu atillugu piumasaqaatinut nalunaarsuiffimmik suliarinninnermet nukissanik atuisoqarpoq. Suliarinnittussarsiornermet suliaqarnermi tunngavissatut piumasaqaatinut nalunaarsuiffimmik suliaqarnermet atillugu avataani pilersuisumut 168.600 kr.-t akilernerqarput. Tamatuma saniatigut Akileraartarnermet Aqutsisoqarfik 2020-mi suliniummik aqutsisussamik atorfinitsitsivoq. Suliniummilli aqutsisoq taanna suliniutinut allanut siuliani taaneqartunut pingaarnertut peqataatinneqarpoq.

2. Naalakkersuisut Ilanngaassiviup atorunnaarsinneqarnissaanik kissaateqarnerannut, suna pissutaava?

Akissut:

2022-mut aningaasanut inatsisissatut siunnersuummi nalinginnaasumik nassuiaatini allassimavoq akiliisarfik Ilanngaassivik atuutsinneqassanngitsoq Naalakkersuisut aalajangerput. Akiliisarfik Ilanngaassivik pillugu Inatsisartut inatsisaata nr. 30, 28. november 2019-imeersup atorunnaarsinneqarnissaa pillugu inatsisissatut siunnersuummik kingusinnerusukkat saqqummiussisoqarpoq. Innuttaasut arlaannaannulluunniit attuumassuteqarani siunnersorneqartarnerannit misilittakkat pitsaasut ineriartorteqqinnissaat Naalakkersuisut kissaatigaat. Neqeroorut tamanna nuna

tamakkerlugu atuutsinneqalerluni annertusarneqassaaq. Tamatuma peqatigisaanik akiliisitsiniartarnermik suliassa qarfiup Namminersorlutik Oqartussanit kommuninut tunniunneqarsinnaanera pillugu kommuninik oqaloqateqarnertik Naalackersuisut ingerlateqqissavaat.

Taamaalillutik Naalackersuisut suliniut tunulluutinnigilaat, allaanerusuminguna eqqarsaasersuutigineqaannartoq.

3. Ilanngaassiviup pilersinneratigut inuiaqatigiit aningaasaataat ukiumut 30 millioner koruuninik pitsanngortinneqassasoq naatsorsuutaavoq. Aningaasat taakku Naalackersuisut sumi nassaariniarpaat?

Akissut:

Nuna tamakkerlugu pisortanut akiitsunik akiliisitsiniartarnermik suliassa qarfiup aaqjissuussaannermut tunngasortaa nukittorsarneqassasoq Naalackersuisunit kissaatigineqarpoq. Tamanna innuttaasut arlaannaannulluunniit attuumassuteqarani siunnersorneqartarnerannit misilittakkanik tunngaveqartinneqassaaq, siunissaq ungasinnerusoq isigalugu innuttaasunut akiitsulinnut toqqaannarnerujussuarmik ujartuinerujussuarmillu attaveqalersitsissalluni.

4. Naalackersuisut isumaqarpat innuttaasunut akiligassaminnik akiliisartunut naammaginartoq, maannakkut akilersuussisarneq, tamanit akuuffigineqarnissamik qulakkeerinnittussap, atorunnaarsinnissaa? a. Akilersuussinerup, Innuttaasut akiliisinnaassusillit akiligassanut akileraanissaannik iluaqutaasussap, pisortanullu akiitsut qaffannginnissaanut iluaqutaasussap atorunnaarsinneranut, Naalackersuisut suut iluaqutaasussatut isigaat?

Akissut:

Apeqqut 2 aamma apeqqut 3-mut akissutit innersuussutigineqarput.

5. Naalackersuisut qanoq ilillutik qulakkeerniarpaat, innuttaasut pisortanut akiitsuisa qaffakkaluttuinnannginnissaat?

Akissut:

Apeqqut 2 aamma apeqqut 3-mut akissutit innersuussutigineqarput.

6. Naalackersuisut immersukkamik sanaqquneqarput, ukiumiit 2000-imiit innuttaasut pisortanut akiitsuisa qaffakkiartornerannik takutitsisumik. a. Akiliisitsiniaaneq 2008-mi qitiusumit tiguneqarpoq. Naalackersuisut isumaqarpat, akiitsunut tamanina iluaqutaasimasoq? Akissut tunngavilersoqquneqarpoq.

Akissut:

Naalackersuisut matuma kingulianiittut Akileraartarnermut Aqutsisoqarfimmit paasissutissiissutigineqartut innersuussutigisinaavai:

2011 - 2021-mi innuttaasut pisortanut akiitsuisa qaffakkiartornerannut naatsorsukkat kissaatigineqartut matuma kinguliani allassimasuni takuneqarsinnaapput. 2011 sioqqullugu naatsorsukkat suliarinissaannut periarfissaqanngilaq, Akileraartarnermut Aqutsisoqarfiup pisortat pissarsiassaannik innuttaasunit suliffeqarfinnillu

akiliisitsiniartarnermi suliassamik tigusinera sioqqullugu ataatsimut nalunaarsukkanik suliaqartoqarneq ajormat. Piffissami qitiusumut eqiterilluni ikaarsaariarfiumi pissarsiassaqaqtut susassaqaqtunit paasissutissanik naleqqussaaneq nussuinerlu sivisusimapput.

Namminersorlutik Oqartussat kommunillu arlallit 2020-mi aningaasaqarnikkut periaaseq nutaamut ikaarsaariarput. Allanguut pingaarutilik tassaavoq aningaasaqarnikkut periaatsip nutaap ilagisaatut Akileraartarnermut Aqutsisoqarfik akiliisitsiniartarnermi periaatsimik nutaamik atuilermat, tamannalu akiliisitsiniarluni suliniutinik ersarinnerulersitsillunilu pisariinnerulersitsivoq. Akiliisitsiniarnermi suliniutit pisariillisarneqarnerat piffissap ingerlanerani kommuninit pisortanillu allanit pissarsiassaqaqtunit eqqornerusunik nalunaaruteqartitsilissaaq. Akiliisitsiniariaatsimi nutaami innuttaasut ataasiakkaat akiitsuisa ataasiakkaat qaffakkiartornerat takujuminarnerussaaq. Tamatumalu peqatigisaanik innuttaasut ataasiakkaanit akiliisoqartillugu pilertornerusumik qisuariartoqarsinnaanera qulakkeerneqassalluni.

Akiitsut tamarmiusut takuneqarsinnaapput:

Piffissaq naatsorsuiffik	Akiitsut tamakkerlugit (kr.)
Januar 2011	1.036.017.852
Januar 2012	1.092.226.580
Januar 2013	1.109.810.416
Januar 2014	1.202.935.866
Januar 2015	1.343.561.494
Januar 2016	1.384.895.683
Januar 2017	1.771.251.123
Januar 2018	1.492.208.291
Januar 2019	1.445.754.427
Januar 2020	1.444.600.872
Februar 2021	1.318.485.093

Oqaatigineqassaaq naatsorsukkat piffissami kronit nalingi malippai. Taamaalilluni akiitsut annertussusiisa nalilernerqarneranni piffissami akit ineriartornerat pisoq isiginiarneqarsimanngilaq.

- a) Naalakkersuisut pisortanut akiitsunik akiliisitsiniartarnermut suliassaqaqfiup qitiusumut aaqqissuunneqarneratigut assigiiaarnerunissaq, allaffissorneq sunniuteqarnerusoq aammalu innuttaasut suliffeqarfiillu inatsisitigut illersugaanerat qaffasinnerusoq qulakkeerneqassasut isumaqarput. Taamaalillutik Naalakkersuisut akiliisitsiniartarnerup akiitsullu pillugit siunnersuisarnerup aaqqissuussinermut tunngasortaata nukittorsarneqarnera

innuttaasut suliffeqarfiillu akiitsuinik appartitsiniarnermut iluaqutaassasoq
isumaqarput.

**7. Suliamut soqutiginaatilinnik paasissutissanik allanik Naalakkersuisut
paasissutissiisinnaappat?**

Akissut:

Naamik

Inussiarnersumik inuulluaqqusillunga

Asii Chemnitz Narup